

**PROGRAM RADA**  
**KOORDINACIONOG ODBORA CENTRALNIH HARMONIZACIJSKIH**  
**JEDINICA U BOSNI I HERCEGOVINI**  
**ZA 2023. GODINU**

**Decembar 2022. godine**

## SADRŽAJ

|   |   |
|---|---|
| 1. UVOD .....   | 3 |
| 2. RAD KO CJH U 2022. GODINI .....  | 4 |
| 3. PROGRAM RADA KO CJH ZA 2023. GODINU.....                                 | 5 |
| 3.1. Aktivnosti KO CJH iz oblasti finansijskog upravljanja i kontrole ..... | 5 |
| 3.2. Aktivnosti KO CJH iz oblasti interne revizije .....                    | 5 |
| 4. ODRŽAVANJE SJEDNICA KO CHJ U 2023. GODINI.....                           | 6 |

## 1. UVOD

Na osnovu čl. 2. stav (13) i 28. stav (2) Zakona o internoj reviziji institucija Bosne i Hercegovine ("Službeni glasnik BiH", broj: 27/08 i 32/12), člana 6. Zakona o internoj reviziji u javnom sektoru Federacije Bosne i Hercegovine ("Službene novine Federacije BiH", broj: 47/08 i 101/16) i člana 6. Odluke Narodne skupštine Republike Srpske, broj: 01-1012/10 ("Službeni glasnik RS", broj: 72/10) uspostavljen je Koordinacioni odbor centralnih jedinica za harmonizaciju u Bosni i Hercegovini (u daljem tekstu: KO CJH).

KO CJH čine tri člana:

- a) Rukovodilac CJH Ministarstva finansija i trezora BiH,
- b) Rukovodilac CHJ Federalnog ministarstva finansija i
- c) Rukovodilac CJH Ministarstva finansija Republike Srpske<sup>1</sup>.

Poslovníkom o radu KO CJH (u daljem tekstu: Poslovník o radu)<sup>2</sup>, bliže su uređene nadležnosti, funkcioniranje i organizacija KO CJH.

KO CJH je osnovan sa zadatkom odobravanja okvirnih propisa iz područja javne interne finansijske kontrole, sa ciljem njihovog usaglašavanja sa međunarodno priznatim principima upravljanja i standardima javne interne finansijske kontrole na nivou cijele BiH, koji će služiti kao polazna osnova svakog nivoa vlasti u izradi i usvajanju njihovih vlastitih propisa iz područja javne interne finansijske kontrole.

U ostvarivanju svojih ovlaštenja i odgovornosti iz područja javne interne finansijske kontrole, KO CJH odobrava:

- a) okvirnu strategiju razvoja funkcije interne revizije u javnom sektoru BiH,
- b) okvire primarne i sekundarne regulative iz područja interne revizije i finansijskog upravljanja i kontrole,
- c) standarde i kodeks etike interne revizije i interne kontrole, koji su zasnovani na međunarodno priznatim standardima,
- d) okvirne smjernice i metodologiju rada za područje interne revizije, koje su zasnovane na dobrim praksama drugih zemalja,
- e) okvirni program obuke za certifikaciju internih revizora i program za polaganje u cilju sticanja zvanja ovlaštenog internog revizora.

---

<sup>1</sup> Sjednicama KO CJH prisustvuje i šef Ureda centralne harmonizacijske jedinice u Direkciji za finansije Brčko Distrikta BiH, sa statusom posmatrača

<sup>2</sup> koji je usvojen na sjednici KO CJH održanoj u Banjaluci, 24.01.2011. godine, te dopunjen 15.04.2021. godine

## 2. RAD KO CJH U 2022. GODINI

KO CJH je tokom 2022. godine realizovao aktivnosti planirane usvojenim Programom rada za 2022. godinu i u skladu sa usvojenom Odlukom o budžetu KO CJH za 2022. godinu.

U 2022. godini održano je ukupno 12 sjednica KO CJH: 10 sjednica je održano on-line, putem Zoom aplikacije, jedna u Sarajevu, te jedna u Banjaluci. Na održanim sjednicama, KO CJH je usvojio Program rada za 2022. godinu, donio Odluku o budžetu KO CJH za 2022. godinu, izvršena je rotacija predsjedavanja KO CJH, a značajan broj sjednica bio je posvećen realizaciji projektnih aktivnosti, sa posebnim fokusom na aplikaciju PIFC.

Shodno planiranim aktivnostima iz Programa rada KO CJH za 2022. godinu, KO CJH je organizovao dvije zajedničke godišnje konferencije: jednu iz oblasti interne revizije i jednu iz oblasti finansijskog upravljanja i kontrole. Obje godišnje konferencije finansirane su iz sredstava budžeta KO CJH. Zajednička godišnja konferencija iz oblasti interne revizije u javnom sektoru Bosne i Hercegovine pod nazivom nazivom „*Primjena aplikacije PIFC u svrhu unaprijeđenja rada interne revizije u javnom sektoru*“ održana je 29. i 30.2022. godine u Tesliću i istoj je prisustvovalo oko 160 internih revizora iz cijele Bosne i Hercegovine.

Zajednička godišnja konferencija o finansijskom upravljanju i kontroli pod nazivom „*Rizici u ključnim poslovnim procesima u organizacijama javnog sektora*“ održana je 01. i 02.11.2022. godine u Tesliću, a konferenciji je prisustvovalo više od 250 učesnika iz cijele BiH, koji su zaduženi za razvoj finansijskog upravljanja i kontrole u svojim organizacijama.

U maju 2022. godine okončan je projekat „Unapređenje javne interne finansijske kontrole u BiH“ koji je započeo u oktobru 2018. godine i finansiran je iz IPA fondova EU u iznosu od 2.000.000 eura.<sup>3</sup> U okviru navedenog projekta centralne harmonizacijske jedinice u BiH izradile su svoje strategije PIFC, informatizovali oblast finansijskog upravljanja i kontrole i interne revizije putem PIFC aplikacije, a sačinjeni su i brojni nacrti propisa i metodologija, i održane praktične obuke za korisnike.

---

<sup>3</sup> Projekat je realizirao konzorcij međunarodnih kompanija, na čelu s ICE – International Consulting Expertise EEIG iz Belgije

### 3. PROGRAM RADA KO CJH ZA 2023. GODINU

Donošenje godišnjeg programa rada propisano je članom 4. Poslovnika o radu KO CJH s ciljem efikasnog i odgovornog ostvarivanja svojih nadležnosti. Program rada sadrži najznačajnije aktivnosti i zadatke koje KO CJH realizuje tokom godine.

Program rada KO CJH za 2023. godinu planira se i provodi u skladu sa važećim propisima iz oblasti javnih internih finansijskih kontrola na svim nivoima vlasti, kao i u skladu sa strateškim dokumentima i akcionim planovima u kojima su utvrđene aktivnosti i prioriteti centralnih harmonizacijskih jedinica vezani za njihovu operativnu realizaciju. Takođe, programom rada planira se unapređenje i harmonizacija sistema upravljačke odgovornosti i sistema internih kontrola u skladu sa preporukama Generalne direkcije za budžet EK i SIGMA-e.

U 2023. godini KO CJH planira organizovati dvije konferencije, u prvoj polovini 2023. godinu konferenciju iz oblasti interne revizije, a u drugoj polovini godine konferenciju iz oblasti finansijskog upravljanja i kontrole. Pored navedenog, biće nastavljena realizacija zajedničkih aktivnosti u cilju unapređenja i harmonizacije praksi.

#### 3.1. Aktivnosti KO CJH iz oblasti finansijskog upravljanja i kontrole

U 2023. godini realizovat će se sljedeće aktivnosti KO CJH u oblasti finansijskog upravljanja i kontrole:

- Razmatranje analize postojećih zakonskih i podzakonskih akata, te usaglašavanje okvirnih dokumenata u vezi sa eventualnim izmjenama zakonodavnog okvira iz oblasti finansijskog upravljanja i kontrole;
- Unaprijeđenje provedbe i praćenje provedbe zakonskog okvira i politika u oblasti finansijskog upravljanja i kontrole, sa posebnim fokusom na provjeru kvaliteta finansijskog upravljanja i kontrole u javnom sektoru;
- Dalje unaprijeđenje informatizacije oblasti finansijskog upravljanja i kontrole;
- Organizacija zajedničke godišnje konferencije iz oblasti finansijskog upravljanja i kontrole u okviru KO CHJ.

#### 3.2. Aktivnosti KO CJH iz oblasti interne revizije

U 2023. godine realizovat će se sljedeće aktivnosti KO CJH u oblasti interne revizije:

- Razmatranje analize postojećih zakonskih i podzakonskih akata, te usaglašavanje okvirnih dokumenata u vezi sa eventualnim izmjenama zakonodavnog okvira iz oblasti interne revizije;
- Unaprijeđenje provedbe i praćenje provedbe zakonskog okvira i politika u oblasti interne revizije, sa posebnim fokusom na unaprijeđenje metodologije rada za oblast interne revizije i provjeru/ocjenu kvaliteta rada interne revizije u javnom sektoru;

## PROGRAM RADA KO CJH ZA 2023. GODINU

- Dalje unaprijeđenje informatizacija za oblast interne revizije i uvođenje informatičkih alata za interne revizore;
- Organizacija zajedničke godišnje konferencije iz oblasti interne revizije

### 4. ODRŽAVANJE SJEDNICA KO CHJ U 2023. GODINI

U skladu sa članom 8. st. (1) i (4) Poslovnika o radu, sjednice KO CHJ će se održavati najmanje jednom mjesečno, naizmjenično, dvije u Sarajevu i jedna u Banjaluci.

U skladu sa Poslovníkom o radu KO CJH, u izuzetnim slučajevima KO CJH može odlučiti da sjednicu održi i on-line.

Planirani termini održavanja sjednica KO CJH, za period januar – decembar 2023:

| REDNI BROJ SJEDNICE | DATUM ODRŽAVANJA SJEDNICE | MJESTO ODRŽAVANJA SJEDNICE |
|---------------------|---------------------------|----------------------------|
| 1.                  | Januar 2023.              | Sarajevo                   |
| 2.                  | Februar 2023.             | Sarajevo                   |
| 3.                  | Mart 2023.                | Banjaluka                  |
| 4.                  | April 2023.               | Sarajevo                   |
| 5.                  | Maj 2023.                 | Sarajevo                   |
| 6.                  | Juni 2023.                | Banjaluka                  |
| 7.                  | Juli 2023.                | Sarajevo                   |
| 8.                  | Avgust 2023.              | Sarajevo                   |
| 9.                  | Septembar 2023.           | Banjaluka                  |
| 10.                 | Oktobar 2023.             | Sarajevo                   |
| 11.                 | Novembar 2023.            | Sarajevo                   |
| 12.                 | Decembar 2023.            | Banjaluka                  |

Broj: KO-16/22

16.12.2022. godine

PREDSJEDAVAJUĆA KO CJH

Fatima Obhodaš

